

Դատաւորն պաշարեալ սկսաւ շիտթիլ . որպէս կամիք այնպէս արասցուք . ընդէ՞ր վշտացուցանեմք զիրեարս վասն գործոց կեալուրաց : Նուրի ասէ՛ գործս չէ կեալուրի , այլ Թաղաւորի , և չէ արժան նուաստացուցանել զհրաման Արքայի . զի տեսայք զօրինակն , և եթէ են տակաւին ցանկացողք , իջեան յասպարէզ . և եթէ կամիս գիտել զճշմարիտն , չէ հարկ երթալ 'ի Բեթղեհէմ' , և և կամ հաւանութեամբ նոցին գործ կատարել , այլ իբրեւ Դատաւոր նստեալ աստ՝ Ժողովով վճռեսցուք զհրաման Արքային և աւարտեսցուք զգործն . եւ եթէ 'ի հաճութիւնս Յունաց ակնարկես , զայն դու գիտես , և եթէ կրօնաւորք նոցին բռնաւորք իցեն , պարտ է ծանուցանել Արքայի :

Դատաւորն ասէ՛ քաւ լիցի , Յոյնք ոչինչ ունին ասել , այլ կամիմ զի հաշտեսցին ընդ միմեանս , զի վէճք սոցա ոչ վերջանան . ուրեմն 'ի վաղիւ խնդրեսցուք 'ի Ժողովի զբանալի հիւսիսային դրան եւ յանձն արասցուք Հայոց , եւ տացուք հրաման վասն ուխտի Այրին ըստ հրովարտակին : Հայք ասեն , յառաջագոյն պաշտօնեայք Տէրութեան կամէին գնալ յուխտ 'ի Քերթոն , եւ 'ի վերադարձի իւրեանց հանդիպիլ 'ի Բեթղեհէմ' , այլ իբրեւ լուան թէ խռոտոյոյդ Քեհաճեայ Փոխարքային եղիպտոսի Մէհէմմէտ Ալեայ , 'ի դրմանէ Յունաց ժողովեալ զբնակիչս գիւղին պատուիրեալ է նոցա 'ի սկսանիլ գործակալաց 'ի գործ , ազաղակ բառնալ , թէ Հայք ոչ ունին իրաւունս ոչ եկեղեցւոյն և ոչ Այրին , եւ եթէ բռնացին նոքա , ընդգէմ կալ զինու եւ աներկիւղ պատերազմիլ : Եւ ապա յասել Դատաւորին , թէ Նուրի էֆէնտի եթող զգնալն , զի մի 'ի պատճառս իւր լիցի խռովութիւն ինչ , Նուրի էֆէնտի՛ ես ոչ երկնչիմ յերթալոյ , սակայն կարելի է Յունաց պատրաստել զգիւղականս և յարուցանել վէճս և առիթ լինիլ աղմկի մեծի և ճայթման զինուց . մեք թերեւս գանակօժեալ փախուցեալ ապրեսցուք , և քանիք ոմանք անկցին 'ի Հայոց , և այս ամենայն հասանիցի յականջս Տէրութեան , և 'ի գնալն մեր անդ չգիտեմ թէ զինչ պատասխանի տացուք . զի առ Յոյնս մարդասպանութիւնն ոչինչ է , որպէս 'ի շինութեան տաճարին Ս . Յարութեան այնքան Իսլամաց մահուան առիթ եղեն : Յրուեցաւ Ժողովն :